

آبونه شماره اولی

ممالك عثمانیه ده سته لکی (۶۰)، آتی
آلمی (۳۵) غروشدور.
ممالك اجنبیه ده سته لکی (۱۷)، آتی
آلمی (۹) فرانقندر.

اداره خانه

باب عالی جاده سنده دائره مخصوصه

اخطارات

آبونه بدلی پشیدر

§

مملکه موافق آثار مع الممنونیه قبول
اولنور. درج ایداله یازیلر اتاده
اولونماز.

الکتاب

۱۳۳۰

دینی، فلسفی، علمی، ادبی هفته لقی مجموعه اسلامیة در.

صاحب و مدیر

باش محرز

ع. اشرف ارباب

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

و یوردیمزه یورویملری اولدوردکن صوکرا شهادت شریفتی قانه قانه ایجهلم، لیکن اول امرده برچوق دشمن لشنی چیکنه یوب کچلم .
عثمانلی شاعرلرندن ناجی افندی مرحومک شوقطعه سی نه بلیغ در :

زینت خاک شهادت اولماسین بر تیغزن
شان عثمانی دلو راه اوزره اعلا ایتمدن
نجه اعداده جنک ایتمکدهیم جانله بن
عادر مجروح دوشمک خدمت ایسترن وطن

طاهر المولوی

برصنحه تاریخ :

مصرک سرگذشتی

٦

انگلتره اشغال عسکرینک مفرمانی

۱۶ مایس ۱۸۸۲ ده انگلتره و فرانسه اسکندریه فیلولری کوندرمک ایچون اتفاق ایتدیکلری و حکومت عثمانیه فیلولسنگ انلره اشتراک ایتمه سنی متضمن بر نوطه نی باب عالییه کوندردیلمر. باب عالی جواباً کندیسندن ماعدا مصر شوننه مداخله ایتمه یه کیمسه نک حق اولدیغنی، ذات شاهانه نک مصرده یکانه حاکمیت صاحبی اولدیغنی بیلدیردی، و مصر قاینه سنه بر تلغراف چکهرک خدیوک امرینه اطاعت ایتملری توصیه ایتدی .

انکلز و فرانسز فیلولری اسکندریه واصل اولوراولماز انگلتره و فرانسه سفیرلری بالاشترک خدیوه بر مکتوب کوندره رک مصر پارلمانتوسی رئیس سلطان پاشانک مصر قاینه سی رئیس محمود سامی پاشایه مصرک سلامتی نامه آتیده کی معروضاتی تقدیم ایتمک ایسته دیکنی یازدیلمر :

« اولاً — رتبه عسکریه سنی و معاشنی ابقاء عرابی پاشانک موقتاً مصردن تبعیدی .

ثانیاً — علی فهمی پاشا و عبدالعالی حلمی پاشالرک مصر داخلنه نفی و تبعیدی .

ثالثاً — محمود سامی پاشانک استعفا سی . »

انگلتره و فرانسه سفیرلری بومعروضاته علاوه سلطان پاشانک رأیلرینه موافقت ایتدیکلری و درحال اجرا اولملری ایچون تشبثاتده بولونلشنی طلب ایتدیلمر .

خدیوه بومکتوبک کوندرلمسی حزب عسکری ایله پارلامنتو اعضاسنگ بر قسمی بیننده اختلاف بولندیغنی کوستردی . خدیو توفیق پاشا بومکتوبی و زراسنگ رأینه مخالفت ایدره رک قبول ایتدی . بونک اوزرینه مجلس نظار اجتماع ایدره رک مصرده حقوق شاهانه اخلاص

ایدیلدیکندن طولانی استعفا ایتمکی قرارلاشدیردی . صانکه قاینه اعضاسی انگلتره و فرانسه نک بوندن مقدم مصرک شون داخلیه سنه مداخله ایتدیکلری بیلمه یورلردی .

بدیهیدرکه وطن حسی ایله یوره کی چاربان ، هرایی حادثه سسندن متألم اولان هر مصرلی عرابینک ، سلطان پاشانک رأینه تبعیت ایدره رک مصردن مفارقت ایتمسی جان و کولکدن ایستردی . چونکه بوسیلله ایله مداخله اجنبیه اسبابی کونکدن صارصلمش و محوایدلمش اوله جقدی . نه چاره که عرابی مصردن موقتاً مفارقت ایتمکی شخصی بر هزیمت مغنویه طایفه رق مصردن چیقمه دی . حالبوکه او ، فرقه احرار باشنده مملکتک حریت و استقلال ایچون چالیشمق داعیه سنده ایدی . آکا یاقیشان پک یقین بر ماضیه ارجاع نظر ایدره رک انگلتره نک مصری قبضه تسخیرینه کچیرمک ایچون اوینادیغنی روللری ، مملکتک داخلنده احداث ایتمک ایسته دیکی شورشلری پیش تدقیقندن کچیرمک و مصرک منافع عالییه سی ایچون مصردن چیقمق ایدی . فقط اوله یایمیدی و سیئات سابقه سنه یکی ودها مدعش برسیته ضم ایتدی .

عرابی دن مصردن چیقمسی ایسته ندیکلی وقت بونی رد ایتدی . کندیسنگ مفارقتی ، انگلتره و فرانسه نک امرلری اجرا دیمک اوله رق احرار مملکتی تهله کیه قویه جغنی ، بویکی دولتک مداخله سنه بر زمین تشکیل ایدره جکنی ایلروسوردی . فقط بوجواب پک ضعیف ایدی . چونکه بویکی دولت اسماعیل پاشا دورنده مصره مداخله ایتمش ، کذا صکره آنک عزله سبب اولمش ایدی . عرابینک قناخته کوره ده انگلتره سفیری سیر (مالهت) ک مداخله سی اوزرینه ریاض قاینه سی اسقاط واردونک طلبلری قبول ایدیش ایدی . احرارک تهله کده قلمسی ایسه غیروارد ایدی . چونکه فرقه ده مملکتلری اوغرنده هر درلوفدا کارلنی کوزه آلان حیت و غیرتلیله مشهور آدملر چوق ایدی . الحاصل عرابی سلطان پاشانک رأینه تبعیت ایتمش اوله ییدی ، انترقه لره قارشنی آهین برسد چکیلمش ، اجنبیلرک دسینه لری عقیم ونامی محترم قالمش و بونکون وطن و تاریخ قارشیننده یوکلندیکی مسئولیت عظمایی یوکلنمه مش واونک بارثیلی آلتنده ازیلامش اولوردی .

سامی پاشا قاینه سی استعفا ایتمدن مقدم پارلامنتوی طوبلامق ایسته دی ایسه ده خدیوک عدم موافقتدن طولانی موفق اولامدی . سامی پاشانک استعفا سی قبول اولندی و یکی تشکیل اولنان قاینه ده بنه عرابی حریه نظارتنده قالدی . چونکه بتون اردو اونک یدسپوتنده ایدی .

بونک اوزرینه فرانسه بتون دولتلره مراجعت ایدره رک عرابی ایله آرقداشارینک استانبوله دعوت ایدملری و ذات شاهانه ایله ملاقات ایدره رک امرلری تلقی ایتمه لری طلب ایتدی . فقط انگلتره باب عالی دن اوروپا دولتلرینک بوطلنی قبول ایتمه سنی و مصره فوق العاده بر قومیسر ارسال ایتمسی توصیه ایتدی و توصیه سی قبول و اجرا اولندی .

انکلتزه دیپلوماتلری (فریسنیه) نك بیاناتی ایشیدیرایشتمز میدانك کندیلرینه بوش قالدیغنی آکلادیلر و مصری اشغال ایتك ایچون ایجاب ایدن تدایر ابلسانه لرینه فعالیت ویردیلر .

۷

انکلتزه نك اتیریه لر

آرتق انکلتزه طرفدن مصری اشغال ایتك تقرر ایتش ایدی . انکلیزلر ایلک اول دولت علیه بی آلداتق ایسته یورلردی . و بونی تأمین ایتك ایچون توفیق پاشایه دولت علیه دن فوق العاده بر قومیسر ایسته مسنی توصیه و بو طلبلری در سعادت سفیرلری واسطه سیله تأیید ایتدیلر . دولت علیه بوکا موافقت ایدرهك مصره درویش پاشایی ارسال ایتدی .

انکلتزه نك درویش پاشایی مصره جلب ایتکدن ایکی مقصدی وار ایدی :

برنجیسی — انکلیزلرک دولت علیه نك مصر شؤنه مداخله ایتسنی ایسته دکلیخی دولته آکلاتق .

ایکنجیسی — درویش پاشا واسطه سیله مصرده فرقه احراری تشویق و تقویه ایتدیرمک .

عینی زمانده انکلیزلرک سیمسارلری مصرده برشورش ایجاد ایتك ایچون متصل چالیشیورلردی .

بر طرفدن سیر (مالهت) مصرده مقیم انکلیزلره یقینه مدھش بر حادته وقوع بوله جفتدن تخلیص نفس ایچون اوروپایه سفرا تملریخی توصیه ایدیور، دیگر طرفدن میستر کوکسون کندی الیاه انکلیز فیلوسندن آلدینی اسلحه بی اجنیلره طاغیدیور ایدی .

۸

اسکندریه قتل عامی

یوقاریده دیدیکمز کبی میستر کوکسون بر جهتدن اجنیلره سلاح طاغیدیور، دیگر جهتدن اوروپالیرک سلامتی ایچون انکلیز ضابطی (ماریوت) ایله مدافعه پلانی حاضر لیوردی که بو پلانی موجبجه اوج درت بیک اجنهی بی تسلیح ایتك اقتنا ایدیوردی .

میستر کوکسون ۷ حزیران ۱۸۸۲ ده بوپلانی اوروپا سفیرلرینه بیلدیردی . فقط سفرائک جمله سی (شبه سز انکلیز سفیرندن ماعدا) اوروپالیرک تسلیحندن مملکتده بیوک بر شورش وقار غشلق وجوده کله جکنی تخمین ایدرهك اسکندریه ده کی شهنذرلرینه بوکبی ایشلره قضیاً قاریشمالرینی توصیه ایتدیلر . فقط میستر کوکسون سفرائک قرارینه لاقید قاله رق اسکندریه ده کی یونان در بدرلری و اوروپا توره دیلرینی تسلیح و بویه جه انکلتزه نك تک باشنه اسکندریه قتل عامی ترتیب ایتدیکنی اثبات ایتدی .

انکلتزه ، عراقی حادثه سی اناسنده ایکی یوزلی بر سیاست تعقیب ایتدیکندن ۲۵ مایس تاریخیله فرانسه ایله مشترکاً خدیومصره ارسال ایتدیکی نوطه بی کریه آلدی و مصر فرقه احراری ارضا ایتدی . انکلتزه نك بو حرکتی فرانسه ایله مشترکاً حرکت ایتکدن آیریلدیغنه دلالت ایدیوردی . بوکا قارشی فرانسه، در سعادتده بتون آوروپا دولتلری دلکهلرندن متشکل بر قومیسون عقد ایدلسنی و بر قومیسونک مصر حقنده مداوله افکار ایتسنی طلب ایتدی و طلبی قبول اولندی . بتون دولتلر مصر حقنده کی تعهدات دولیه و ۱۸۷۳ ایله ۱۸۷۹ ده صادر اولان فرمانلره رعایت خصوصنده اتفاق ایتدیلر .

بونی متعاقب حزیران ۱۸۸۲ ده فرانسز پارلامنتوسنده مسأله مصریه حقنده مناقشه لر جریان ایتدی . فرانسز افکار عمومیه سی عراقی و فرقه سنه تمایل کوروندی و فرانسه نك مصر شؤنه مداخله عسکریه سی رد ایتدی . مبعوثانندن موسیو (دلافوس) مصر مسأله سنده فرانسه نك طوتدینی خط حرکت حقنده استیضا حادته بولندی و قاینه ریسی فرانسه نك مداخله عسکریه ده بولومیه جغنی و دولت علیه نك مصره عسکر کوندر مسنه مساعده اولومیه جغنی سوبلیدی . دولت علیه نك مصره عسکر سوق ایته سنک سبی ده حکومت عثمانیه نك عالم اسلامده بو وسیله ایله صاحب نفوذ اولسی و بالتیجه تونس و جزایر اهالیسنک قیام ایتسی اندیشه سی ایش !

فقط موسیو (دلافوس) بو ایضاحاتی شدتله تنقید ایدرهك فرانسه نك منفعتی دولت علیه ایله اتفاق و آنی تقویه ایتکده اولدینی و مصر بحر انکلتزه آنجق دولت علیه نك مداخله سی ایله ازاله ایدیله بیله جکنی بیان ایتدی . متعاقباً موسیو (غمبتا) سوز آله رق اوزون بر نطق ایراد و فرانسه نك انکلتزه بی یالکز ترک ایته مسنی و مصر مسأله سنده بیطرف قالماسنی توصیه ایتدی .

فی الواقع (فریسنیه) قاینه سنک مصر حقنده کی خط حرکتی بک قاریشیق و اضطراب آور ایدی . چونکه انکلتزه ایله مشترکاً مداخله عسکریه ده بولمیدینی کبی ، دولت علیه نك مداخله سنه قارشی ده بر سد کبی طور یوردی . نتیجه ده انکلتزه یالکزجه مداخله ایتدی و مصری نیجه اسارتنه آلدی .

فرانسز مجلس مبعوثاننده مصر حقنده مناقشه لر جریان ایدیورکن عینی حال انکلیز مجلس مبعوثاننده ده جریان ایدیوردی . انکلتزه قاینه سی ریسی مستر غلادستون بر نطقنده عراقینک خدیو توفیق پاشایی عزل ایله یرینه برنس حلیم پاشایی تعیین ایتك ایسته دیکنی ، فقط اوروپا دولتلرینک توفیق پاشایه مظاهرت ایتدیکنی ؛ انکلتزه نك مصری اشغال عسکری آلتنه آلمق ایسته میورسه بوکا آنجق اهالیده کی تمصب دینینک فوراندن قورقولدینی و بو صورتله خدیوک حیاتی تهلکیه قومقدن احتراز ایدلیدی ایچون تصدی ایتهدیکنی بیان ایتدی .

بدیهیدرکه بودرجه غریب بیانات ایله خدیو توفیق پاشا استماله ایدلمک ایسته نیلیوردی .

ایست و استحصال ایدم بیلرلر سه روسیه، فرانسه ایله انکلتزه ایچون هر درلوا همیتی غائب ایدن مقامات مقدسه بی تحت حمایه سنه آلمغه تنزل ایتمز.

روسلر مسلمانانی بویله یارچه لامنه صاوا شیرکن «انا نحن نزلنا الذکر وانا له لحافظون» وعد جلیل سبحانیسیله قرآن عظیم الشانی، دین جلیل اسلامی یدحفظ و قدرتنده بولون دیران جناب قهار ذوالجلال حضرتلری اوتودن برملتی بونک اوزرینه مسلط ایدر؛ بوتون جهانگیرانه املرینی، بوتون تصورات مشؤمه سنی زیر وزیر ایتدیردکن باشقه صارصیلماز ظن ایدیلن قوجه تحت سلطنتی اطرافنده ده یاغینلر، فیرطینهلر ایجاد ایدر. «وهو القاهر فوق عباده»، «وهو علی کل شیء قدير». «ان الله لیؤید هذاالدین بالرجل الکافر...» «والقیسا بینهم العداوة والبنضاء الی یوم القیامة وسوف یشهم الله بما کانوا یصنعون». باقلم قادر ذوالجلال ده نلر خلق ایده جک!

برلن علمای مشهوره سندن پروفیسور دوفتور «یاستروو» برلین تاغبلات ده نشر ایتدیکی بر مقاله ده دیورکه:

«تاریخی اونو تمق لازمه در. محاربه حاضره روسیه دولتک موجودیتنه بر نهایت ویرمکدن باشقه بر نتیجه ویره جک اولور ایسه دریالر کبی دوکیلن و دوکیله جک قانلر هدر اوله جقدر. بو محاربه نک صوکنده روسیه دن یالکز (فنلاندیا) ایله لهستانک ترکی طلب اولونه جق اولور ایسه روسیه کندییی ایچون تهلکه لی اولان عناصردن تخلص اولنمش و کندییی ده مدھش و ده مهلك بر قوت حاله افراغ ایدلش اوله جقدر. روسیه دولتی حکومت متعدده به تقسیم ایدلدکجه، (رومانوف) لرك حاکمیتنه نهایت ویرلدکجه، شرقی اوروپاده دوام صلح تأسیس ایدیله میه جکدر. دیگر درلوجا هرلر روسیه نک سیاست انبساطیه سنی و تکامل جهانگیرانه سنی ایلر و تمکدن باشقه بر شیده یرامیه جقدر. آلمانیا نک شرق اردوسی بوندن صکره دخی غالیتره دوام ایلسه بیله روسیه به قارشى عسکری دکل، سیاسی حرب ایله نتیجه قطعیه استحصال اوله بیله جکدر. حرب سیاسی روسیه ده روس اداره سنه مخالف اولان عناصر واسطه سیله پایله بیلر. روسیه ده عصیان و اختلال ظهور ایلدیکنه دائر بدایت حربده انتشار ایدن شایعاتک اصلی جقماسی اوزرینه هر کسده روسیه ده اختلال اولیه جنی اعتقادی حاصل اولمشدر. بو اعتقاد طوغری دکدر. یالکز (لهستان) و (فنلاندیا) ده دکل، (اوقراییا) ده و جنوبی روسیه ده ده عناصر و تشکیلات اختلالیه موجود اولوب بونلر آلمان اردولرینک استخلاصنه انتظار ایلکده در. محاربه نک نتیجه قطعیه حاصل ایلسی روسیه ده کی عناصر اختلالیه نک اشتراک و معاونتیه ممکندر. مظفریت آلمان سلاخنده قالدینی وقته روسیه ده کی معاونلرینی روسیه نک الله تسامیم ایده مز. بناء علیه محاربه اتحق روسیه دولت جهانگیرانه سنی یرینه متعدد حکومت مستقله تأسیس ایله بر نهایت قطعیه بوله بیلر.»

اسکندریه قتل عامی مصرلی بر آرابه جی ایله مالطه جزیره سی اها لیسندن بر آچاق آره سنده غوغا ایله باشلادی. و در عقب پنجره لردن مصر لیلرک اوزرینه آتش ایدلدی و قتل عام تام ۱۲ ساعت دوام ایتدی، (۱۱ حزیران ۱۸۸۲)

قتل عام اتناسنده نه انکلتزه، نه ده فرانسه عسکرلرینی قره به جیقارمادی. چونکه انکلتزه بویله بر حرکتده بولنور سه فرانسه نک ده اکا پیرو اوله جنندن قورقوردی.

اسکندریه قتل عامی اوروپاده ایشیدیلر ایشیدیلر، انکلیز محررلری قیامت قویاره رق بونک اتحق مسلمانلر ده کی تعصب دیندن ایلرو کلدیکنی سوبلدیلر! فقط حقیقت حال کون کبی آشکاردی. قتل عامی ترتیب واحداث ایدن انکلتزه ایدی. ذاتاً فرانسز قاینه سی رئیس ده ۱۲ حزیران ده فرانسه مجلس اعیانده بونی تصدیق وشویله اداره کلام ایتدی:

«مالطه اها لیسى حادثه دن بر قاج کون اول سلاخلندیلر. قتل عامی عصیت دینه به اسناد ایتک خطادر.»

حکومت مصریه ایسه حادثه نک وقوعی متعاقب اسکندریه به یعقوب سامی پاشانک قومانداسی آلتنده ایکی آلا ی پیاده، ایکی بطاریه، و ایکی سواری آلا یی ارسال ایله آسایشی اعاده ایتدی. و در عقب طقوز اعضاسی اوروپا لیلردن، طقوز اعضاسی ده مصر لیلردن اولان بر قومیسون واسطه سیله قتل عامک اسبابی تحقیق ایدلمسنی سفراه تکلیف ایتدی. فقط بو تکلیف انکلتزه طرفندن قطعاً رد ایدلدی. مصرلی

«دوام ایده جک»

عبد الغنی سعید

فَظْیُوتِیَاتُ

آیا صوفیه به صلیب دیکمه به یلته نن روسلرک باشنده

قویه جق قیامت

روس برنسلرندن «لازارف» اخیراً ساحه مطبوعاته وضع ایتدیکی بر کتابده شرق مسئله سنی بوجه آتی حل ایدیور: «روسیه بوغاز ایچنک قسم شهابیسنه مالک اولور سه شرق مسئله سی اهمیتنی غائب ایدر. بو تقدیرده مستحکم اولان استانبول بی طرف بر مملکت حالنی آلیر و آیا صوفیه نک اوزرینه صلیب دیکلیر. چناق قلعه بی مدافعه ایدن استحکامات طبیعی هدم ایدیلر.» برنسه نظراً ولایات شرقیه مسئله سنی حل ایتک ایچون: «وان، ارضروم، طربزون و لایتلر نده جبل لبنان طرزنده بر اداره تأسیسی کفایت ایدر. بونکله برابر ولایات شرقیه نک روسیه طرفندن ضبطنی متعاقب فرانسه ایله انکلتزه آنا طولیدن تعویضات